



21294

III Mag. St. Dr. P.


Frane.

legiorum & Math. Pauli Obeliscus solido
virtutum et sapientiae fundamento
innexus.

PANEG. et VITAE

Polon. Fol.

N^o. 947.



OBELISCUS
SOLIDO VIRTUTVM
& SAPIENTIÆ FUNDAMENTO
INNIXUS,
Meritorum excellentiæ,
Per illustris, & Admodum Reverendi Domini,
D.SIMONIS FRANCISCI
PLUCIENSKI,

Ecclesiistarum, Coniecpoliensis PRÆPOSITI,
Chrzaſtoviensis CURATI, &c.

A S S V R G E N S:

Inter Festa Natalium Solennia,
Recurrente anno TUTELARIS Sui Die,
S. SIMONIS APOSTOLI,

M. MATHIA PAULO CELEIOWICZ,
In Alma Universitate Cracoviensi, Philosophia Doctore
& Professore,



Debitæ gratulationis ergò,
Applaudente Poëmate,

ADORNATUS.

Anno Salutis 1699. Die 28. Octobris.

CRACOVIAE, Typis UNIVERSITATIS.

tit.

Veræ laudes in ijs consistunt, quæ in nobis ipsis sunt posita; atq; illis debentur præmia, quæ ex nostra proficiscuntur voluntate. Genus atq; nobilitas, tum ab ipso parta, tum à Majoribus susceppta, Parentumq; gloria ac ortus, & educatio, & ætatis incrementum & corporis forma, & conditiones & artes; & virtuperationes sunt falsæ, & laudes ineptæ.

D. Greg: Nyssenus.

Possem bona fide adiucere majora; sed tuæ aures licet fratrum laudibus gaudent, communionem tamen gloriosi testimonij per verecundiam non ferunt.

ex Symachi lib. 4. Epist. 58.

21.294
III



O B E L I S C U S

Solido Virtutum & Sapientiae fundamento I N N I X U S.



Yramidum Phario nutantia pondera saxo,
Magnifico sumptu ferientia culmina cœlos,
Marmoreas moles, Regalis munera gazæ
Desinat, & vanas pompas Babylonia Memphis!
Vrbs Thebana suis centum circumdata portis,
Prodigium mundi, patuli conclaveq; campi,
Obruta ruderibus jaceat; nec fabula muros
Iliacos celebret; Neptuno Patre Tarentum
Lysippi celebrem non jactet jamq; Colossum:
Et rerum mundi celsum caput, inclyta bellis
Roma, trophæorum genitrix, non amphitheatra
Pompeii decoret scelerati Principis auro
Ad luxum Armeniæ monstranda, domosq; superbas.
Laudibus immensis teretem vulgata per orbem
Ter centum gentes Ephesinæ fana Dianæ
Extollant minimè. Velox his & breve tempus
Corripuit Regale decus totumq; nitorem;
Auri luxuriem puri, flammæsq; pyropi
Extinxit, stravitq; suo cum culmine Troiam;
Ogygios muros cernentesq; astra colossos
Vastavit, saxis avellens saxa ligata.
Nam, quæ multa dies, quæ fastus parturit ingens,
Puncto prætereunt; ævum fert vnica virtus;
Illa manet longè sese volventibus annis,
Illa petens cœlos sola est statione secura,
Oraq; mendacis populi damnando, triumphat
Secula, magnificis cum laudibus atq; perennat.
Ut Phœbi radios fulgentes quilibet haurit

Circumfusus ager, virtus sic vndiq; fulgens
Lumina diffundit, terras & nomine complens
Est cunctis facilis visu semperq; celebris.

Hanc in Te SIMON gratam splendentibus vsq;
Luminibus, fama innumeris præconia linguis
Effundens, niveo tetulit per inane lacerto,
Ipsa caput rutilans, Phæbō fulgentior almō,
Præcipitansq; vias, referens & lilia plenis
Dextris, & lauros sudatæ præmia frontis
Et nitidam speciem quâ Te natura colorat:
Hæsit en vnde Iovis Magni sua fulmina terris
Mittuntar, (medium est inter terramve fretumve,
Stellantisq; plagas coeli, confinia mundi)
Inde quod est vastis fusum regionibus inflat,
Et velut ære sonans flexo fremit, & sua demum
Ora suavè replet; nec sistunt murmura vocis,
Bellerophontei montis juga celsa colentes
Donec Pegasides Phæbo cum Præside multum
Vocibus excitæ latit, modulamina passim
Linquentes, varijs plenas sermonibus aures
Indulgent meritis, rumorum millia magna
Fortè trahunt, pignusq; suum celebrare volentes,
Authores magnæ cupiendo laudis adesse,
Certatum fundunt grato de pectore carmen;
Quod mea prima canens Clio sic incipit ore!

Egerat influxu vario Phæbus super axe
Quadrigas, millena suis & lustra recurrens
Cursibus implerat, magnæ vestigia mentis
Lustrando vivam doctæ quæ Pallados ipsius
Effigiem monstrare queat; nec comperit usquam,
SIMON quam solus PLVICIENSKI prospero in orbem
Omine traxisti nascens, Almamq; tulisti
Ad Regum Sobolem, Cracijs quæ composita vlnis
Gemmiferum Solium studijs decorative colitve:
Hanc apud ingentes animi cumulando decores

Altera

Altera facundæ facies tunc Palladis, Ipse
Pallas eras felix, Musarum gloria celsa.

Herculeos angues, generosæ prælia dextræ

In cunis; frondesq; novas in littore Vatis
Infantis, non sic certò delira vetustas
Præfensit circùm Phæbeam tempora laurum;
Ut de Te summæ virtutis signa legebat
Quisq; Virûm, augurij falsus nec censitus author.
Namq; graves sectata dies seniumq; Catonis
Pubescens ætas, Te magnis v̄sibus aptum
Est testata, diu nec distulit omnia tanta;
Pieridum fertis & majestate decora
Sed longas memoris cudit sibi temporis horas
Arte nova, eloquio Cineas & quando disertos,
Et turbam vatum, quēis lymphis pocula plena
Castalijs Phæbus citharædus dulcè ministrat,
Atq; Sophûm, qui naturæ secreta requirunt.

Hac ætate Tibi poterant jam stare colossi

In quēis non titulos celebres, nec nomina famæ
Quæ sapiens animus virtus generosaq; poscit
Sculpebas, humilem sed sensum, secula vincens
Ore verecundo: Cato conformare juventam
Moribus egregijs malens, & Doctor adesse,
Quam titulō tantō censi, celsior ullus
Quō non est, laurus vītricis præmia frontis,
Palmæq; insignes, dari pressura laboris
Cui crescunt: nisu felici floribus altum
Sterniens ad celas iter ædes, tunc HYACINTHI
ŁOPACKI pignus pretiosum, molleq; Germen
Præstantem geniō Natum, senijq; coronam,
Dignum, Qui tanto natus Genitore celebrem
Accipiens famam, servaret jure Paternam,
Dulcibus instillans lymphis, ad maxima quæq;
Duxisti, monstrando viam, quā in culmina Pindi
Progrediens justò Podalirius extitit almus.

Sed Te tam magnus splendor, summiq; nitores
Non tenuere virum, qui pura veste resulgenſ
Thura adolere Sabæa volens, altaria Divum
Complexus, justus, puroq; salutifer ore,
Ausa nefanda mali, & fædæ contagia labis
Aspidibus pejora docens, Tibi credita plebis
Pectora complebas fructu virtutis honestæ,
Et SIMON verè populi de dogmate, voto
Cunctorum dictus, magno stipatus honore;
Præſuleas curas SILNICCIJ fortè levando,
Tripolis & Vilnæ sacratas Ipſe Tiaras
Dum moderaretur, felix moderamen & Vrbis
Et populi prudens magna virtute tenebas:
Nec ROSA sanguineos Illius blandiūs vnquam
Sparsit fulgores, quām dum sudoribus à Te
Est suffusa pijs, magnoq; adjuta labore
Fragrantes animis justorum fudit odores.

Tantis Te meritis illustrem, Sarmatarum

Illiſtris Sidus inextinctum, quō non speſtantius ullum
ſimillimum
ſtrifſimo- Palmarem hanc terram luſtrat, Lithavoq; trione
rum Co Resplendet, magnumq; decus, custodia Regni,
necpol- ſciorum Auxiliumq; vetus Soleæ Te Nobile Stemma,
Domus, Quō numerare queas fulgentes STANESILAOS,
Perillus: Sub Cruce gemmifera clavaq; potente Ducali,
& A.R. D. fano- Assyrjo portu, Scythicoq; à littore monſtra
ges ex bi- Marte procelloſo ſternentes, Te magè ferrō
bens. Strinxit, nobilibus, ſacris rebusq; probatum.
Quām magna virtute fores! Proſapia Magna
Est testis; Trabeæ, candens ebur atq; Curulis,
Cūi cellas pompas festosq; dedere triumphos:
Hac ſuper exuviæ grandes belliq; trophæa
Resplendent, atq; hāc Magnos ex ordine multo
Percenſere vales, proprio qui milite Turcam
Frangere felices nōrunt, mediōq; locare

Barba-

Barbaricæ gentis vexilla, per aspera belli.

Ille Palatinus Belzensis, Gloria summis

Assurgens meritis, (Hastarum ternio pulcher

Cùi cessit decori, Proles ZAMOYSCIA dulcis)

Ingenij dotes excelsas, atq; Tuarum

Virtutum species miratus, pectora toto

Te complexus eò fuerat candore perenni

Qui magnos justosq; decet, quô pectora tantum

Candida nectuntur. Te gravior extitit Illi

Nemo sollicitis languoribus dulcè ministrans

Antidotum, quam sacra Tuis currentia labris

Sermonum. Patriæ sed Gratia magna IOANNES,

Sanguineum metuendæ Bellonæq; flagellum;

Quô quatit immensam rabiem crescentis echidnæ

Saltibus in densis Byzantij, quô quatit atras

*Illustriſ. Et specus ad Pontum, vasta in confinia terras
ſimus D. Virgendo Lechicas, nunc CONIECPOLSCIVS hōcce
Ioan: Ko- niecpol- Sanguine descendens, Stabuli Præfectus, in ample
ski, Sta- buli Re- fectus, cum illu- striſſima Possessum; Quem terribili flagrante Vienna
ſua Con- forte Rz. evu- scia. Marte, per adversas virtus ducendo catervas
Victorem, Magno Domitori fortè IOANNI
Dilectum, SOLEꝝ coniunxit faustius Illi,
Hostiles cuneos & strata cadavera tabo
Quæ turpi dilapsa terens, sic luce coruscat,
Vt clarum sidus, taciturnæ Cynthia noctis,
Hac fulgente suum cupiat componere cornu;
In Regno Magnis splendor fuit Illa RZEVVSCIIS.
Noverat, vnde suum conquereret Ille Thesauri
Præfectus decus, & Natæ connubia sacra:
En geminum sidus SOLEꝝ felix, geniali
Fœdere conjunxit, Solis jubar atq; coruscum
Suspedit Lechiā, quô non fulgentius astrum*

Vsq; nitet. Tantum circùm Te fudit abundè
Splendorem ecce suum Par Nobile ; sanctius inde
Vt superis puro virtutum Sole niteres,
Præpositum faustum poscens, & principe cura
Sic foveas animas , voto meliore cupivit.

Vt Phæbus celso super æthere lumina spargit
Tunc meliùs, vultum niveum cùm celsiùs effert:
Sic probitas, cultusq; DEI fulgentiùs in Te
Exarsit merita magni splendoris in auge;
Ad quam Te soliō virtus provexit eburno,
Doctrinâ rutilam manibus gestante coronam ;
Et Charites placido carmen de corde ferentes,
Et cœtus plebis voces super æthera spargens.
Tantò cùm plausu es sacras ingressus in ædes,
Tecta Deûm, en Pastore novo, nituere recenti
Tegmine, & accedens templi pia machina cœlo
Ivit in immensam lucem, sumptuq; superbo
Nunc etiam superare cupit delubra Dianæ ;
Cui nimium tenues impendis in omnia census
Ornamenta Tuos, veterum memor atq; Patronus
Templorum. Nec sacra tamen Tua dogmata cessant,
Quéis summis cathedris populos nutrire, pijsq;
Artibus implere est animus, certæq; salutis
Commonstrare vias, & devia quæq; docere.

O probitatis opus celebrandum mille Camœnis !
O ardens virtutis amor ! flagrando recusans
Extingui largis sudoris sanguine misti
Imbribus, ad medios Soles densasq; tenebras
Fronte Tua fusis: vt gratiùs ipsa recurrat
Concio sacra, vigil tacitæ per tempora noctis
Pallade Tu pingui perfundis lampada semper.
Mella apibus non sic decedunt Attico Hymetto
Dulcia, seu Hyblâ Siculâ ; seū neistarishauustus
Gratus ; vt ore Tuo promanans sermo tonante.
Hoc monumenta Tui demonstrant ipsa laboris

Quæ

Quæ penna implevit. Nam magna volumina restant ;
Quæ tamen in tacito condis, nec luce reponis ;
Hac virtute placens Superis, non laudibus astris
Inferri cupiens, nec præstans ire per orbem.
Ipse Tibi PAVLVS germano sanguine Frater,
Alter Præpositus, quod Numinæ sacra colendo
Exemplò populos, sacræ monitisq; tenere
Occallet, tribuit. Magnis nam sumptibus atq;
Aris doctrinâ sacræ admotus, & Almo
Te Genitore velut, summo est sub vertice fixus.
Ille rosas molles gratissima pignora mentis
Substratæ, manibus sacratis VIRGINIS Almæ
Porrigit, & NATO necit fulgentia serta
(Quæ palmis teneris capiens ad fæderis Arcam
Deponit Matris pectus, geminatq; decorem ;)
Reginæ Cœli dum sacra Rosaria psallens
Exemplum populis monstrat, cœlosq; fatigat.
Musa sed ô niveum tenui cur pollice plectrum
Percutis audacter ! resonantes murmure nervos
Et tendis ! mussare pio Mystæ satis vnquam,
Nec concessa Tibi sacro ex Helicone potestas !
Magnificis his esse potes nec laudibus æqua !
Talia virtutum Thymbræus lauriger Augur
Purpureo valet ore loqui, qui temperat arcum
Fatidicis nervis, Tenedos cùi regia servit !
Musarum toto hic ivit super æthera clamor
Agmine ; quo Clio percussa manum tenet, atq;
Vocales citharæ nervos non pectine eburno
Iam pulsans, tacito sermonem pectore miscet.
Ergo diserta cohors, præsentia Numinæ vatum,
Et Phæbo comites nostro, virtutibus altum
Consecrarent animum tantis! sua barbita blanda
Circumdent ! mihi, quæ meriti sum conscientia magni
Sit satis, eximias virtutes dignaq; cedro

Facta, meō coluisse modō quōcunq; cothurnō:
Ille tamen virtute sua quem struxit in alto
Sarmatiæ memoris cœlo, longævus, & vltra
Nestoreos annos, Pylij quoq; secula terna,
SIMON FRANCISCVS cernat felix **OBELISCVM.**

Permissu Magnifici Domini
RECTORIS.



1000.
500
200
3.
1703

1730
1703
2.7



xxii.

Biblioteka Jagiellońska



stdr0016733

